


MAHEBERU,

KAUHANYO YABUBELI ²

 ... ataha pili, mi a bala Mañolo, ili kuli a a bapise ni kubona haiba neli Niti kamba kutokwa. A i nga, yona Niti, ka Testamente Yakale. Cwale, Paulusi neli muituti wa Testamente Yakale. Ki ba bakai ba baziba cwalo? [Kopano ili, “Amen.”—Mu.] Na lutilwe ki alimuñwi wa licaziba za baituti ba lizazi la hae, Gamaliele, muituti ya cuukile. Mi Paulusi na zibile Testamente Yakale. Mi Ni sepa kuli zikinyeho ya hae ya pili, sina ha Ni bulezi kakusasana cwana, ha na boni lifu la Setefani. Sesiñwi ne si mu kumalezi Paulusi, kakuli mwahala mañolo a hae kaufela na tundamezi ku swanisisa ku zona, “Ha ni swaneli, kakuli Ni nyandisize Keleke kuisa lifu. Ni yomunyinyani wa mwahala bona.”

⁹⁵ Oh, kono Mulimu nana ni muhupule o shutana ka zona. Nali alimuñwi wa baba tiile hahulu ba lizazi lateni.

Mwabona Muhalalehi Paulusi, muapositola yomutuna

Ni kubo ya hae yesweu mi yende, (kubulela muloki)

Oh, ku lukela kuba ni kuhuwa

Kaufela luna ha lu ta yo kopanela Teni.

Lona Lizazi lelituna lani ha Ni ta mu bona a amuhela mushukwe wa mubulaiwa, mupuzo wa mubulaiwa!

⁹⁶ Ne ni yemi fakaufi ni siñoliso nyana sa kale, kwanu ha ki kale hahulu, kwa na ñozi Mañolo aa. Mi ko ne ba pumezi toho ya hae. Ni ku mu nwelisa mwa mukokolomwa wa mezi a masila, ku yo tapiswa mwa mezi a masila. Mi yena Mujuda nyana yo kwani, ki hali, “Ni lwezi lisupo za Jesu Krete mwa mubili waka. Ni lwanile ni libatana kwa Efese, kono Ni lwanile ndwa yende. Ni felize takano. Ni bulukile Tumelo. Mi kuzwa cwale, kuna ni mushukwe wa kuluka, wo Mulena, yena Muatuli ya lukile, uka ni fa ka Lizazi lani. Mi isi na ni nosi fela, kono kaufela ba balata kubonahala kwa Hae.” Mo Ni latela sani! Oh, Ni bata ku baliwa hamoho ni bona! Ne lu opelanga pina yakuli:

Oh, kikuli uka baliwa kuba alimuñwi wa mutapi wa Hae?

Kikuli uka baliwa kuba alimuñwi wa mutapi wa Hae?

Kuba yasina litaba mwahali, kotalimela ni kulibelela kubona pono yani;

Wa taha hape.

97 Ni bata kuba alimuñwi wa bona. Cwale muñoli uzwelapili, kubulela kuli:

*Kabakaleo lu swanela kubeya...hahulu tokomelo
kwa lika ze lu utwile, kakuli lu kasuhana lwa latehelwa
ki zona ka nako kaufela.*

98 Sina ha lu lutile ka seo, kakusasana wo, timana ya 2 litaba za yona, “Haiba...”

Kakuli haiba linzwi lene li bulezwi ki mangeloi... .

99 Ki sikamañi se lufumana *mangeloi* kuba sona? Bapolofita. “Mulimu na bulezi mwa linako za ikale...” Cwale, muna ni kueza, isiñi milelo ya luna, kono ya Bibe. Cwale kauhanyo ya 1, ya...kauhanyo ya 1, timana ya 1.

*Mulimu, mwa linako za kale...ni ka mikwa ye
shutana na bulezi...kwa bashemi ba luna ka bapolofita,*

100 Cwale wa zwelapili fa, ni kubulela hape.

*Kakuli haiba linzwi lene li bulezwi ki mangeloi ana si
kaswalelela... .*

Mi kana linzwi la kuli *lingeloi* litalusa sikamañi? “Numwana.” Haiba numwana ya tozizwe ki Mulimu...Mi cwale haiba lu ba baba tozizwe, lu linumwana za Mulimu. Lu linumwana kwa lifasi, ndumeleti wa Lihalimu, lu ipulela kuli lu bazamayi ni baenyi. Ha lu ba lifasi le. Kono lu bata Munzi o sa taha, oo Muyahi ni Muezi wa ona ki Mulimu. Ha lu ipundekeli sifumu sa lifasi le, ko masholi bakona kukena, ni maswele, mafume, likona kusinya. Kakuli, sifumu sa luna si inzi mwa Lihalimu, koo Jesu uinzi kwa lizoho la bulyo la Bulena. Oh, ha ki taba kwa kanya ni bunde, ka kuziba cwalo:

Sepo ya luna itomilwe fela
Fa mali a Jesu ni kuluka kwa hae;
Foo kaufela ze tibezi moyo waka lizwa mwa
nzila,
Kona kuli Uba sepo yaka ni maino.
Ku Kreste, Licwe le li tiile, Ni yemi;
Sibaka sesiñwi kaufela ki lishabati leli tiba,
Sibaka sesiñwi kayfela ki lishabati leli tiba.

101 Mane Eddie Perronet mwa na ñolezi pina yani, mwa linako za manyando!

*Kakuli, linzwi lene li bulezwi ka tuso ya mangeloi
mbali li bonwi kutiya... (Fo numwana wa Mulimu ha
bulela Linzwi, La yema)...ni foso kaufela ni ku sa
utwa ku amuhezi mupuzo o lukezi;*

*Lu ka banduka cwani cwale, haiba lu hana kuutwa
Kreste, Ya bulela ali mwa Lihalimu?*

Cwale mutalimele.

Lu ka banduka cwani, haiba lu hana kupiluswa ko ku cwalo; . . . (Munahane fateni.) . . . ko ne ku bulezwi pili ki Mulena, . . .

¹⁰² Kreste na kalile musebezi wa Hae. Ki sikamañi sa Na ezize? Lwa Mu bona, ka mwa Na bezi ya . . . ikokobelize, ya bunolo, kuli mane Na si ka lemuhiwa kuba muuna yomutuna wa za bulapeli. Kono Na ikokobezwa, ya musa, ya ishuwile. Na si mukutazi ya mata. Linzwi la Hae ne li sa utwahali mwa mikwakwa.

Kono Joani na zwezi kwande sina tau ye lila. Na li mukutazi.

¹⁰³ Jesu na tile, isiñi sina tau ye lila, kono Mulimu na beleka ni Yena, inza bonahalisa Linzwi. Mulimu na li ni Kreste. Pitrosi naize, ka Lizazi la Pentekota kuli, “Mina baana ba Isilaele, ni mina baba yahile mwa Judaea . . . Jesu wa Nazareta, Muuna ya sipilwe ki Mulimu mwahala mina, ka lisupo ni ze komokisa ni limakazo, zeo Mulimu a ezize ka Yena, mwahala mina kaufela, ili zeo mina kaufela mu lipaki.” Mane mwa na ba taluhanyelize zona. “Ne mu lukela ku Mu ziba.”

¹⁰⁴ Jesu naize, “Mina baiipi.” Ali, “Mu zwela fande ni kutralimela fa lizazi, mi muli . . . Ki le li fubelu mi kuna ni malu, mu li, ‘Ku ka pazula maswe.’ Mi haiba busile hande mi kuna ni lizazi, kamba ze cwalo, mu li, ‘Bu ka sa hande.’” Ali, “Mwakona kulemuha mahalimu, kono haili lisupo za nako, mwa palelwa ku li lemuha. Kakuli kambe mu Ni zibile, ne mu ka ziba lizazi la Ka.”

¹⁰⁵ Oh, sa Na ka huwa busihu bo. Mane Moya wa Hae mo usweli kuhuwela mwa bakutazi ba Hae, “Hola i fakaufi!”

Lwa lemuha. Lu bona ma bomba a atomic. Lu ziba ya ka nga sibaka sa Clark Gable, ni ya ka eza se, *sani*, kamba *sesiñwi*; kamba ya kaba mubakweli wa muateleli wa naha. Lu iseza hahulu ngana ku zeo, kono ha lukoni kulemuha lisupo za nako. Lu kwa mafelelezo.

¹⁰⁶ Ki sikamañi seo? Lu bata hahulu kuziba, “Ze tatama mwa tukiso ya mazimumwangala? Ki sikamañi sa ka eza Susie?” kamba musali yani libizo la hae ki mañi. “Mi ki kai kwa ya Arthur Godfrey? Ki lisheha la mufuta mañi la ka tisa nako yetatama?” Luna, kakuba Bakreste, lu tazanga minahano yaluna ka lingambolo ni litaba za kuñola zesina tuso, ka nako ye lu lukela kuba mwa litapelo kokuñwi, ni kubala Bibebe, ka kuziba lisupo za nako ye lupula ku yona.

¹⁰⁷ Ki sikamañi se si eza zeo, ka linako zeñata, ki tutala to tu fokola, yeo ki niti, sani ha si fiti fahule ni kutisa Niti ya Evangeli. Lu kaba ni ku ikalabela ka seo mwa mazazi a taha. Ha lu lukeli ku keshebisa sika. Mi sicaba, sina haluli mwa Branham Tabernacle cwana, ka kubona lisupo ni ze komokisa, ni mata a zuho ya Kreste; mi ni ka kuziba kuli lu ka toma linako zaluna—zaluna fa lika zeñwi, ni ku keshebisa kuutwa Linzwi la Mulena Jesu, “Lu ka banduka cwani, haiba lu keshebisa kupiliswa ko ku cwalo?”

108 Timana ya 3, kamba timana ya 4. Kifa fo ne lu yemezi, fa timana ya 4, kakusasana cwana.

Mulimu hape wa ba pakela, . . . (Oh, mawi!)

Mulimu . . . wa ba pakela, . . .

Muteeleze kwa Linzwi.

. . . ka lisupo . . . ni ze komokisa, mi ni ka limakazo zeñata, . . .

Limakazo zeñata ki likamañi? Buñata ki sikamañi? Buñata italusa “zeñata.” “Ka limakazo zeñata, Mulimu u ba pakile.” O Mulimu! Ni sepa kuli Si ka nwela mwa lipilu za mina. Muteeleze.

109 Ni alimuñwi wa balisana ba mina, ni Muzwale Neville mo. Ni bata kuli mu Li tokomele. Biblele ibulezi kuli, “Haiba kutaha alimuñwi mwahala mina, mi u ubulela sa *kuli-ni-kuki*, mi ha si ezahali, musike mwa mu teezeza, kakuli Na ha ni si ka bulela. Kono haiba abulela ka Libizo la Ka, mi sa bulela si to ezahala, kipeto mu Li utwe.” Amen. “Kakuli Ni inzi ni mupolofita yoo, kamba mukutazi, kaufela sa kona kuba sona. Haiba sa bulela si to ezahala, kipeto mu mu utwe.”

110 Cwale, balikani, ha lu Mu utweni, Moya o Kenile ubulela mwahala luna, u nzo bonisa limakazo zeñata, ni lisupo, ni ze komokisa. Lu si ke lwa Li fitelela inge kuli ki lika ze bunolo fela. Ha lu hupuleni kuli Ki Jesu Krete, ya swana maabani, kacenu, ni kuyakuile; ya sweli kupaka Linzwi la Hae. Lu swanelo kueza cwalo. Oh, shangwe mueze cwalo. Mu teeleeze. Sika sisili kaufela si be sa bubeli, nihaiba lapa la mina, bo muuna mina, musala mina, bana ba mina. Seo kaufela sikona kuba sona, mu si beye sa bubeli. Mubeye Mulimu kwapili. Mu li, “Muzwale Branham, kunyamatala banake?” Kunyamatala sika kaufela. Mubeye Mulimu kwapili. Yena abe wa kwapili.

111 Elia na shetumukile fa lilundu, zazi leliñwi. Na li lingeloi, mulumiwa, mulumiwa wa Mulimu, mutoziwa. Mi a fumana musali wa mbelwa inza yakwanela twandilala totubeli. Ki hali, “Zamaya, u ni besese sinkwa nyana, mi u ni tiseze tumezi nyana.”

112 Mi musali ali, “Ka moyo wa hao opila, Hanina sesiñwi kwanda tunkwa nyana, kamba kwanda bupi nyana, bwa ku eza tunkwa nyana kihona. Mi Ni na ni fela oli yelikani kipeto, kuli ni lubise, ka bukuswani. Mi Ni sweli kuyakwandela twandilala totubeli.” Mukwa wa hale neli o cwalo, ka nzila ya ma Indian, wa kufapahanyanga tukota ni ku tu yakiseza fahali, mi ni ku tu kotezanga. Ne ba tumbulanga mulilo wa kuola ona cwalo. Ali, “Mi Ni yo apeha kankwa nyana kao kaka ni mushimani wa ka, mbututu waka. Mi lu ka ca ni kuishwela.” Ne se kubili linanga ka lilimo zetaalu ni likweli ze silezi, nekusina mezi kai ni kai.

113 Mupolofita ya buhali, wa kale yani, atalima musali yani mwa pata. Mi ali, “Zamaya, u beseze na pili.” Ha ki taelo ni yeo, kuli

muuna a bulelele musali wa mbelwa, ya lapile kuisa lifu, kuli amu fepe pili. Ki sikamañi sa na bulezi? “Kakuli KISONA SA BULELA MULENA, tubana haina ku fela, ni silubelo hasina kuoma, kufitela Mulimu aluma pula mwa lifasi.”

Pili, Mulimu. Musali akena mwahali mi aluba kankwa nyana kani, mi ato ka tambeka mupolofita. A yo besa sesiñwi, ni sesiñwi, ni sesiñwi, ni sesiñwi. Mi tubana ne i sa kali, kamba silubelo ku oma, kufitela Mulimu aluma pula mwa lifasi. Musali na beile Mulimu fapila bana ba hae. Na beile Mulimu fapila sika sifi kaufela. Na ngile Mubuso wa Mulimu, kwapili.

¹¹⁴ Mulimu ulukela kuba mwa sibaka sa pili mwa pilu ya hao, sibaka sa pili mwa bupilo bwa hao, sibaka sapili mwa lika kaufela zo eza kamba zoli zona. Mulimu ulukela kuba wa pili. Ha lati sibaka sa bubeli. Ha swaneli sibaka sa bubeli. U swanela zende, mi ili sa pili, ni kaufela ze lu nani. Wa li tokwa. Kufuyolwe Libizo la Hae le likenile!

Kakuli Mulimu hape u . . . pakile, ka kufa bupaki, ka lisupo ni ze komokisa, . . . ni limakazo zeñata, ni ka limpo za Moya o Kenile, kuya ka tato ya hae?

¹¹⁵ Ha ki se ba bulela batu, se ne ibulela kekeke, kono ki sene sili tato ya Mulimu. Oh, lu lukela kubata tato ya Mulimu, isiñi sishemo sa muyaha mabapa wa hao, isiñi sishemo sa bana ba hao, isiñi sishemo sa muuna hao kamba sa musala hao. Kono, kubata tato ya Mulimu, ni kueza seo pili. Kona ku ka tatami lika zeñwi kaufela, tato ya musala hao ni tato ya bana, li ka wela fela mwateni. Kono, mubeye Mulimu pili.

¹¹⁶ Mutalimele, cwale.

Kakuli lifasi le li sa taha le lu bulela, ha si ka li beya mwa puso ya mangeloi.

¹¹⁷ Ka mukwa omuñwi, Mangeloi amatuna a sebeza mwa Lihalimu, Gabriele, Mikaele, Woodworm, ni mashumi a likitikiti za likitikiti ze mashumi za Mangeloi a mwa Lihalimu; kamba mashumi a mianda anda ya bapolofita ba babile mwa lifasi, yomuñwi ni yomuñwi wa bona; Ha si ka beya ufi wa bona kaufela mwa puso ya lifasi le litaha, le lu bulela ka lona. Hakuna ni yomukana! Na si ka bulela kuli, “Isaya, u ka busa lifasi.” Na si ka beya lifasi mwa puso ya Elia. Kamba mane Na si ka li beya mwa puso ya Gabriele, kamba lingeloi lifi kaufela, moya o sebeza ufi kaufela.

¹¹⁸ Mutalimele sa na bulezi, Paulusi, u sa tunafaza Krete, ili zeo lu bulela.

Kono yomuñwi u pakile mokuñwi, kuli, Mutu ki mañi, kuli u mu hupule? kamba mwana mutu, kuli u mu babalele?

U mu file kuba kwatasa mangeloi nako yenyinyani; wa mu apesa kuwani ya kanya ni ya ku kutekiwa, mi wa

mubeya fahalimwa lika kamukana ze ezizwe ka lizoho la hao:

¹¹⁹ Cwale, haiba mubata kubala seo, ki Lisamu 8:4-6, Davida wa bulela. Cwale ki sikamañi sa na bulela Davida fa? Ani kona mafelelezo, ona fani, kamba Ne ni bulela niti kakusasana cwana, ka mupolofita.

¹²⁰ Ki hali, “Kakuli leliñwi la mangeloi liize mwa sibaka sesiñwi.” Davida, mulumiwa wa Mulimu, neli lingeloi la Mulimu, kakuli na li mulumiwa wa Mulimu. Lingeloi la bulela kuli, Davida ali, mwa Lisamu, “U Mu ezize yomunyinyani mwatasi kufita Mangeloi a Lihalimu.” Ki lingeloi lene li bulezi kuli Mulimu na Mu ezize ka bunyinyani nyana kufita Lingeloi, kuli Akone ku Mu fa mushukwe; ni kuli Akone kunyanda ni kutatuba lifu, kuli akone ku pahamiswa hape. Kuli Akone ku Mu eza kuba. . . ya yola lika kamukana za lifasi. [Hakuna manzwi fa tepu—Mu.]

¹²¹ Cwale, mwa—mwa Mateu 28:18, lu bala lika ze. Kasamulaho Amano kokotelwa a zuha hape ka lizazi la bulalu, A yo kopana ni balutiwa ba Hae mi aba luma kuli baye mwa lifasi kaufela, ku yo kutaza Evangeli kwa libupiwa kaufela. Ki hali, “Mata kaufela mwa Lihalimu ni mwa lifasi a filwe mwa mazoho a Ka. Mata kaufela mwa Lihalimu, mata kaufela mwa lifasi, a filwe ku Na.” Neli sikamañi sani? Mutu ni Mulimu ne ba swalini. Lumonyi lwa Logos yani ne lu ezizwe nama mi ne ibulailwe, mi a zuha hape kwa ku lu eza ba balukile, mi cwale aba Emanuele ya tozizwe kamita ni kamita. Mulimu na cincize sibaka sa kupila sa Hae, kuzwa mwa Lubona lwa mwa mahalimu kafoo, kutaha mwa pilu ya Mwana Hae, Kreste Jesu, kupila ni kubusa kamita. “Mulimu nali ku Kreste.” Ki yena sibaka sa mapumulelo sa mafelelezo a Moya.

¹²² Moya no pila mwa tabernakele, zazi leliñwi, mwa ziba cwalo, mwatasa tende. “Mi Solomoni na Mu yahezi ndu. Kono, nihakuli cwalo, Muambakani yapahami hapili mwa mandu a ezizwe ka mazoho a batu.” “Kono wena U Ni ezelize mubili.”

¹²³ Mwa Buka ya Likezo, kauhanyo ya 7, ha na sweli kubulela, ki hali, “Kaufela bona ne ba Li boni. Ba Mu yahela tende, Mushe na iyahile, nana ni tende, mi abeya mwateni areka, kakuli Mulimu nali fa Sipula sa Sishemo. Na si ka pila mwani.” Ku lukile.

¹²⁴ Mi, “Wena u Ni ezelize mubili,” ki mubili wa Mulena Jesu Kreste, ono ezizwe kuba mwatasi nyana kufita Mangeloi kuli u tatube lifu; mi hakuna usili kwanda yena ya pahami Hahulu kufitisisa, Kreste; Mulena wa Kozo, ili Nduna wa manduna, ni Mulena wa mulena, yena Mubupi wa naleli kaufela yeli mwa lihalimu.

¹²⁵ O Mulimu! Na tilo ba mwatasi nyana kufita pupo ya Hae, kuli Akone ku pulusa mutu (asina ndu, mutu yasina tuso), mi abafe ndu mwa Lihalimu. A siya kanya ya Lihalimu. Na siile

Libizo leli pahami kufitisisa lene likona kubizwa. Mi ha Nali mwa lifasi, mutu na Mu file libizo le li kwatasi hahulu ku la na kona ku Mufa, ali, “Nali mbututu wa mwa bucwani, ka kukala.” A pepelwa mwa sicelo, ni ku tatezwa mwa masila a zusizwe kwa koko ya komu. Asina sibaka kwa kuya, nasina ndu kwa kuya. Mi a bizwa kuli, “Baalezebubi,” mulena wa madimona. A nyandisiwa. A kwelakiwa mati. A sehiwa kuboniwa bukuba. A haniwa, mi aya kwa misima ya mwatasi hahulu, mi a ikusufaza kutaha “Kwa mahule baba maswe hahulu.” Sani kona sa na ezize mutu ku Yena.

126 Kono Mulimu a Mu zusa kutaha mwahalimu hahulu kuli Una ni kotalima fafasi habata kubona Lihalimu. Mutu na Mu file sipula sa mwatasi hahulu, a Mu fa sibaka se si maswe hahulu, libizo le li mwatasi hahulu. Mulimu a Mu zusa ni ku Mu fa Sipula se si pahami hahulu, ni Libizo leli pahami hahulu. Yani kona shutano ku sa ezize mutu ni Mwana Mulimu, ni sa ezize Mulimu ku Mwana Mulimu.

127 Na kusufalile, kuli lukone kunanulwa. Na ti loba luna, kuli luna ka sishemo sa Hae lukone kuba Yena. Na tile ku babasina mandu akupila, mi aba ya sina ndu Yena kasibili, kuli lukone kuba ni ndu. A kuta kwa bakula mi A ezwa mukuli Yena kasibili, kuli lukone ku foliswa. Na tile ku muezalibi, “mi aezwa sibi, Yena kasibili,” kuli lukone kupiliswa.

128 Ki kabakaleo ha Na pahamisizwe. Ki kabakaleo Uinzi ka Mwa Inezi busihu boo. Mulimu u Mu hulisize, mi mata kaufela a mwa Lihalimu ni lifasi afilewe ku Yena.

129 Musebezi wa Hae wa lifasi ha ne ufelele, fa fa lifasi. . . Na tile mwa lifasi, ka nako ya Na felize fela, naleli ya lilungwe ya Mu patalaza kuli ki Mwana Mulimu. Na nyungile diabulosi ufi kaufela ya Na taha bukaufi ni yena. Ku fuyolwe Libizo la Mulena! Mioya ye maswe ne injanja ni ku saba, ni kukupa makeke, fa Pila Hae. Eeni, sha. Lihele kaufela ne li ziba Yo nali Yena.

130 A zamaya ka kuikokobeza, Na sina sibaka fa ku sameza toho ya Hae, ka busihu bwa pula. Ona lifolofolo luli za Na bupile, “Linyunywani za Lihalimu lina ni liyaletto, ni mawawa ana ni misima, kono Mwana mutu hana sibaka fa ku sameza toho ya Hae ye fuyozwi.” Luli, Nali cwalo.

131 Na ti loba sibi, aba mwatasi ni kuhaniwa. Kono mioya ye lunya ne iziba Yo nali Yena. Ne i lilela sishemo. Ne ibulezi kuli, “Ki kabakalañi ha U to lu nyandisa nako isika fita kale.” Mi kanti bakutazi inge ba Mu biza kuli, “Baalezebubi,” munuhi wa mulauli; mioya ye lunya ne i Mu biza kuli, “Mwana Mulimu yapila,” ni kulilela kubata makeke.

132 Oh, mo ne luka yemela fela fa muzuzu nyana! Ki wena mañi, nihakuli cwalo? Kana musebezi o nani wani utalusa sikamañi?

Kamba kandu nyana ko lu icahezi kani ka talusa sikamañi? Kana mota ye lunani italusa sikamañi?

¹³³ Musizana yomunyinyani yomunde, wena nto yenyinyani yesina mayemo a busali sakata, kana mubonahalelo onani cwale u eza sikamañi cwale? Mina micaha babana ni milili yebenya, ye telela, ba maheta a patami hande; uka obama zazi leliñwi, ha u se ulobilwe ki kusupala.

¹³⁴ Kono, ku fuyolwe Mulena! Una ni moyo o pepilwe. Uka pila kamita ni mita, kakuli Na ti lo ba wena, kuli wena kuya ka sishemo sa Hae ukone kuba Yena, ni ku kuezeza sibaka sa hao.

¹³⁵ Oh, luna baba nahana kuli luna ni libyana za kuncinca, ni liitusiso zeñwi mwa ndu, ki luna bomañi? Mulimu wakona ku linga mwa muzuzu nyana fela. Moya wa bupilo wa hao luli u mwa lizoho la Hae. Mi Yena u mwahala luna ku to lu folisa, kubulela ni ku toloka, ni ku bulela ze sa taha, ni ka nako kaufela ki za butokwa. Mane niahaiba kuiseza ngana hahulu kwateni kuli azuse, katapi kakanyinyani kaka shwile kukutela kwa bupilo bwa kona hape, mwahala luna. Jehova mwahala luna, Jehova ku luna, yena yomutuna mi ya mata YALITENI.

¹³⁶ Ha Na shwile, neba hupula kuli ne ba Mu sweli. A shetumukela mwa lihele. Ha Na zwile mwa lifasi zazi lani ha Na takisiszwe, A kena mwa libaka za baba latehile. Biblele ibulezi kuli, “Na ilo kutaza kwa mioyo ye neli mwa tolongo, ye ne si ka baka mwa linako za pilutelele, mwa mazazi a Nuwe.” Mi ha Na shwile, mi Moya wa Hae wa Mu siya, Aba lumonyi lwa Logos hape. Yena, Na bona, ali, “Ni zwile ku Mulimu. Ni kutela ku Mulimu.”

¹³⁷ Mi Mulimu nali yena Siita sa Mulilo se ne si zamaisize bana mwa lihalaupa. Mi ha Nali fa lifasi sa . . . Mi cwale ha Na shwile, Akutela kwa Liseli hape. Paulusi na Mu boni, mi Nali Liseli. Hakuna ni yomukana wa bona ya na Mu boni. Ba bona Paulusi inge a wile. Sesiñwi ne si mu natile, mi Neli Liseli. Paulusi ali, “Ki Mañi yo Ni nyandisa?”

¹³⁸ Mi ali, “Saule, Saule, kiñi so ni nyandiseza?”

Ali, “Ki wena Mañi?”

¹³⁹ Mi ali, “Kina Jesu, yo sweli kunyandisa, mi kutata kuli u lahake kwa miwayo.”

¹⁴⁰ Mi ki hayo bala ka za Liseli lani. Paulusi akena mwa Biblele, ku yo batisisa Liseli lani. Mi a ñola Liñolo le. Ki yena Jehova yaswana. Lona Liseli le li swana lani lene li li mwa lihalaupa ni bana ba Isilaele. Mi cwale Pitrosi hanali mwa tolongo, Nali yena Liseli lene litile ku to kwalula likwalo.

¹⁴¹ Mi ka sishemo sa Hae, kuli kutokwe ya kaba ni buinyazo. . . Oh, haiba bakona kulibala linumwana ze si ka ituta, mi muhupule: ha ki numwana, kono ki Liñusa. U tile fafasi hape, ni luna, mwa mufuta wa Siita sa Liseli. Mi U zamaya ni limakazo za

Hae ze swana ni lisupo, hakuna se si zwile mwa Bibe; ki kuina fela hande ni Bibe, ku libeya mwatasa zamaiso hande, kutisa kanya ya Hae, kubonisa mata a Hae. Kufuyolwe Libizo la Hae le li kenile!

¹⁴² Na ziba munahana kuli Ni lyangani; kono, oh, Pumulo yefuyozwi ya Kuyakuile yani i mwa moyo waka. Kamba mañungwa aka kasha, kutiya kwaka kuswalelezi hande mwahala lisila.

¹⁴³ Mi ka ku Mu bona ha Na shwile, kufitela, mane kweli haito kubama ka sabo yetuna. Lizazi la likela mwahala musihali tuna. Mi ha Na ile kwa libaka za ba balatehile, [Muzwale Branham ungongota linako zene fa katala—Mu.] angongota fa sikwalo, mi sikwalo sa kwaluha ka pili pili. Bibe ibulezi kuli, “A yo kutaza kwa mioyo ye neli mwa tolongo, ye ne si ka baka mwa pilutelele ya mazazi a Nuwe,” kasumulaho Amano zwa fa lifasi le. Muzwale waka, kezela ka, ha Na timezi, musebezi wa Hae wa lifasi no so felile, kono Na sa beleka. Mi U sali fa musebezi busihu boo. Amen.

¹⁴⁴ A ngongota fa sikwalo sa baba latehile. Bibe ibulezi kuli Na ngongotile. Mi Na ilo paka kuli, “Kina Peu ya musali. Kina ya Na bulezwi Adama. Kina ya Na bulezwi ki Enoke kuli utaha ni ba bakenile ba Hae likitikiti. Kina Mwana Mulimu ya pila, mi mwa eza sibi kufitela ni lizazi la sishemo sa mina. Kono ne li sepisizwe ku mina, ki mangeloi, Enoke, Nuwe, kuli Ni lukela kutaha ku to taleleza Bibe ya Linzwi la Mulimu kaufela. Ni tile kwanu kuba paki mwa naha ye ‘naha ya ba baletile.’” Mi A kutaza ku bona.

Kushetumuka cwalo A kena mwa lihele, ku yo punya ni kwa likwalo za lihele, ayo ngongota fa sikwalo. Diabulosi a kwalula sikwalo, ali, “Ni Ku sweli cwale.”

¹⁴⁵ Amu amuha li notolo zani kuzwa fa noka ya hae, Ali, “Wena diabulosi, u ikutwile hahulu fa nako yetelele.” Ki ze hande, ona mwa Bibe mo. Ni ka fita fateni mwa muzuzu fela. “U bile uikutwisisa hahulu fa nako yetelele, kono Ni tile ku to hapa.” A mu amuha li notolo zani ni ku mulahela kwa mulaho, ni ku kwala sikwalo.

Ataha ku yo nanula Abrahamama, Isaka, ni Jakobo. Ka lizazi la bulalu A zuha, mi bona bene ba lobezi mwa libita ba zuha ni Yena. Oh, haleluya! Ki kabakalelo muloki uize:

Kupila, A ni lata; kushwa, A ni pilisa;
Kupumbekwa, A lwala libi zaka;
Kuzuha, A ni beya ya lukile kuyakuile,
Zazi leliñwi Wa taha, oh, ki Lizazi la kanya.

¹⁴⁶ U fuyolwe muhala o tama lipilu zaluna mwa kutwano ya Bukreste, lona lilato la Mulimu. Ha Na zuhile, Na si ka feza, kale. Na bile ni musebezi wa kueza.

147 Bibeले ibulezi kuli, “Na kambamezi kwa Lihalimu ni kufa limpo kwa batu.” Nekuna ni buino bone bu li fahalimwa lifasi, la lififi, la malu a mansu, la lifu, ni buima. Litapelo ne li sa pahami, kakuli Swalelo ne isika fiwa kale. Kono, A punya mwa lisila lani. A kwalula nzila. A pazula lisila la makulano. A pazula lisila la sibi. A pazula lisila la buima. A pazula lisila la linongosi. A pazula lisila kaufela, mi a eza nzila yepahami ya mutu ya icambaela fela, ye liba mwa nzila ye pahami ya Mulena. Oh, mawi, ha Na fitile fa kweli ni linaleli, kuzwelapili cwalo ni cwalo!

148 Kulatelela, mwa mulaho wa Hae, kutaha ku ba bakenile ba Testamente ya Kale, bo Abrahama, Isaka, ni Jakobo. Ba kena mwa mahalimu a Lihalimu. Hane bali kwahule hule ni Munzi, Na ba bona ha ba nanula meto a bona kwa lihalimu. Abrahama ali, “Wani kona Munzi o Ni tabela kubona. Oh, taha kwanu, Isaka. Taha kwanu, Jakobo. Oh, ne luli ba yambaeli ni bazamayi ba lifasi, kono kuna ni Munzi. Kuna ni Ulimuñwi o lu libelezi.”

149 Mi Bibeले i bulezi kuli ne ba huwile kuli, “Mu nanule, munyako ya kuyakuile, mi inanulwe luli, kakuli Mulena wa Kanya wa taha.”

150 Mi Mangeloi nali kwa mulaho wa minyako na huwela kwa mangeloi ani kwanu, mi ali, “Ki mañi yena Mulena wa Kanya yoo?”

151 Mi mangeloi ali kwanda kwanuu, bapolofita, bali, “Ki Mulena wa Limpi, Ndwalume yomutuna wa ndwa.”

152 Ki ha ba sina fa likunupo mi likwalo za kwaluha. Kushetumuka hande mwa mikwakwa A taha, Mukomi, tulo, ni ba bakenile ba Testamente ya Kale inge ba zamaya mwa mulaho wa Hae. Aina fa Lubona, ali, “Ndate, ki ba fa. Ki ba Hao.”

153 Mi ali, “Pahama fahalimu fa mi uine fafasi, kufitela Ni eza lila za Hao kaufela fa hatela mahutu a sipula sa Hao.” Sina ha lu balile, lu fumana cwalo mo mwa Mañolo. Ku lukile.

154 Muteeleze. Cwale bakeñisa kuli lu mwa timana ya 8:

 Mi ki ha *beile lika kamukana mwatasa mahutu a hae. Kakuli. . . u beile lika kamukana mwatasa mahutu a hae, hakuna sa siile se si siyo. . . mwatasa hae. Kono cwale lubona kuli ha ki. . . lika kamukana li beilwe mwatasa hae.*

Lani ki, lifu. Ha lu boni lifu, niteni, kakuli lu sa shwa. Lu bona lifu.

Kono, timana ya 9, “Kono lu bona Jesu!” Amen. Muteeleze.

. . . lu bona Jesu, ya ezizwe yomun'yinyani nyana kufita mangeloi bakeñisa manyando a lifu, a fiwa mushukwe wa kanya ni likute; kuli yena ka sishemo sa Mulimu atatube lifu la mutu kaufela.

Ki kabakalañi ha Na ezizwi yomunyinyani kufita Mangeloi? Ili kuli Atatube lifu. Nana ni kushwa. Nana ni kutaha, ku to shwa.

155 Talima kwanu, mulikani. Musike, mwa libala nto ye. Fani Jesu ha naya, ku kambama lilundu, lifu ne li sweli kufufa fufa kwa toho ya Hae.

156 Ha lungeni siswaniso sa luna sa Jerusalema, lilimo ze likiti zepeli kwa mulaho. Mi cwale mukona ku Li hana cwani? Ni utwa muhuwo o taha mwa mikwakwa. Ki sikamañi seo? Ki kunata kwa sika sesiñwi. Ki sifapahano sa manyando se si sweli kutaha, inge si kena mwa minyako ya Damaseka, si sweli ku nata fa macwe a shengile. Macwe a shwngile a matuna ani asaliteni. Inge si sweli kunata fa halimwa macwe tuna ani, bumpity-bump. Ni bona kulota kwa Mali mwa mukwakwa. Ki sikamañi seo? Ki Muuna yasina mulatu; hakuna sika kwanda bunde. Sicaba ne sili ni bubofu. Ne ba si ka Mu ziba. Ne ba si ka Mu lemuha.

Mu li, “Bubofu? Kana neba ka ba ni meeto?”

157 Wakona kuba ni meeto a hao kono inge uli sibofu ona cwalo. Mwa lumela cwalo? Bibebe ibulezi ona cwalo. Mwa hupula Elisha kwani kwa Dotani? Na ilo nata sicaba bubofu, ali, “Cwale ha mu ni latelele.” Ne bali libofu ku yena.

158 Mi sicaba ki libofu kacenu. Keleke yeñwi cwalo ye sa lumeli mwa foliso ya Bumulumu, ne itile kuna nako yeñwi, mi yali, “Ni nate ka bubofu. Ni nate ka bubofu.” Ne li kwa ndu ya Muzwale Wright. Ali, “Ni nate ka bubofu.” Ali, “Paulusi na natile mutu bubofu, nako yeñwi.” Ali, “Ni nate ka bubofu.”

159 Se nili, “Mulikani, diabulosi u kunatile kale cwalo. U sibofu kale kale. Luli, u sibofu.”

160 Mi ali, “Folisa musizana nyana yo mi Ni ka ku lumela.”

161 Se nili, “Pilisa muezalibi yani mi Ni ka ku lumela.” Kaniti.

162 “Oh,” ki hali, “una ni ku lumela.”

163 Se nili, “Kinto yeswana ni fa, sina ni kutaha ka Mulimu ya ipitezi.”

164 Diabulosi, yena—yena mulimu wa lifasi le, u fofalize meeto a sicaba. “Bana ni meeto kono haba boni,” ki Bibebe yebulezi seo.

165 Ki yo Nali fa, inza ya mwa nzila, inge a sweli kuhoholola mahutu alota mali kuya akambama. *Muka* ya lifu neisweli ku Mu lumaka, inge ifufafua ku Yena, “Fa nako nyana fela Ni ka Ku swala.” Na sweli kuya afokola, ni linyolwa la mezi.

166 Ne ni kunupilwe nako yeñwi, inge ni lobezi mwa simu kwanu, mali nasweli fela kububa kuzwa kuna. Na huwa kubata mezi. Mi mulikana ka amata, atubula kuwani ya hae ni kuicimbeka mwa mezi; ainwelisa mwa mezi ainelezi, ana ni mawiliwili mwateni. A taha, mi Na atamisa mulomo wa ka; a

ihamula. Kakuli, mali nasweli kuhasaka sina kaweluwelu, kone Ni kunupilwe kwa lihutu kucancaula ni tobolo. Linyolwa lateni!

¹⁶⁷ Mi Na ziba kuli kanti Mulena ka na fitile ku zecwani, kasamulaho wa kuzwa mali kakusasana wani kaufela, kuzwa ka naini kiloko kuisa ka sili kiloko mwa manzibwana, inge azwa fela Mali ani cwalo. Na bona sapalo sa Hae, pili, inge tutampatampa twa mali ku sona. Mi tutampatampa twani twakala kuba butuna ni ku bubela hamoho, twa ba sibaka sesituna sa Mali, a Mu lotakela kwa lihutu ha Na nza ya cwalo. Ani neli Mali a Emanuele. Oh, lifasi ne li sa A swanelo.

¹⁶⁸ Kono Ha sweli kuya akambama cwalo, *muka* ye neinze i Mu potoloha cwalo. Ki sikamañi sene iezize? Kwa nalulelule ya to Mu luma.

Kono, muzwale, mañi ni mañi wa ziba, kuli kokwani kamba muka, haiba i ku luma, ani kona mafelelezo a buhazo bwa yona. Haisa kona ku luma ni hanyinyani. Kakuli, ha ise iile, ihoha mulomo wa buhazo mwateni.

Lani kona libaka Mulimu ha na ezizwe nama. Na ngile mulomo wa buhazo mwa nama ya Hae, mi A comola buhazo bwa lifu. Ku fuyolwe Libizo la Mulena! Lifu la kona kuholofaza ni kuluma, kono ha likoni ku mi holofaza.

¹⁶⁹ Paulusi, ha na siile *muka* yani inge isweli kuliza mafufa a yona ku yena, lifu nelisweli kutaha teni cwalo. Mi ali, “Mawe wena lifu, bukai buhazo bwa hao?” Na supa kwa Kalvari ko ne bu siyezi mwa mubili wa Emanuele. “Ikai tulo ya hao? Kono tumbo ibe ku Mulimu ya lufa tulo ka Mulena luna Jesu Kreste.” Eeni.

¹⁷⁰ Ha lu boni lika kaufela.

Kono lu bona Jesu, ya ezize yomunyinyani nyana kufita mangeloi bakeñisa. . . kunyandela lifu, . . .

Kakuli kwa mulukela, kakuli ku yena linto—linto kamukana, kuli ka yena luna ni lika kaufela, kwa simuluho. . . ki bana ba bakai. . . mi a ezwa kapitao yomutuna wa kupiliswa kwa luna. . . ka manyando.

Nzila fela ya Na ka taha ka yona neli ka kuba Kapitao wa kupiliswa kwa luna, Nana ni kunyanda.

¹⁷¹ Muteezele kwa Manzwi amande aa fa cwale. Cwale muteezele.

Kakuli sibeli sa ya kenisa ni bona baba keniswa kaufela ki nto. . . iliñwi. . .

Oh, kana hamuboni Kota ni Mutai fateni foo? [Kopano ili, “Amen.”—Mu.] Kaufela kinto Iliñwi.

. . . ka seo a swabi kuba biza mizwale,

Mwabona? Kiñi? Muteezele, timana yetatama.

Ili, Ni ka zibahalisa libizo la hao mwahala bana bahesu, mwahala keleke Ni ka opela milumbeko ku wena.

Mi hape, Ni ka beya sepo yaka ku yena. Mi hape, Bona Na ni bana bo ni file.

Kakuli ka mukwa o swana ni bona bana bana ni kabelo kwa nama ni mali, mane ni yena hape ungile kabelo yeswana; kuli ka lifu ka lifu akone ku bulaya yana sweli mata a lifu, fo ki kuli, diabulosi;

Ni ku ba lamulela . . . kuli ka . . . ka . . . kakuli lifu ne li ba beile kamita mwatasa litamo.

172 Mutu kamita u saba lifu. Kreste na ti lo ba sibi, aezwa bunyinyani, kuli aikungele lifu fahalimwa Hae. Mi A swabi ku bizwa kuli “Muzwale,” wa luna kakuli Na likilwe sina luna mo lu likelwa. Mi Wa kona kueza si . . . kuba muyemeli ya swanela, kakuli Na yemezi muliko o swana o muyemeli ni mina. Mi A nga sibaka sa mina, ka kuziba kuli ne mu sa koni ku ikungela sona mina bañi.

173 Kacwalo, kana ha muboni nji, muzwale, kezeli? Taba yateni kaufela ki sishemo. Kaufela yona ki sishemo. Ha ki se mueza, ni hakuli cwalo. Ki Za mi ezelize kale. Cwale, hakuna nto ni yekana yemukona kueza kuli mu silelezo kupiliswa kwa mina. Kupiliswa kwa mina ki mpo. Kreste na ti loba sibi, kuli mina mube kuluka. Mi Yena ki Kapitao Yomutuna ya swanelo wa kupiliswa kwa luna, kakuli Na nyandile sina luna mo lu nyandezi. U likilwe sina mo lu likelwa. Mi Ha swabi kubizwa kuli “Muzwale wa luna,” kakuli Wa ziba ze lu fita ku zona. Oh, kufuyolwe Libizo la Hae!

Kakuli luli a si ka ikungela sibupeho sa mangeloi; kono a ikungela peu ya Abrahamama.

174 Oh, mawi! Na si ka ba Lingeloi. Na ti lo ba Peu ya Abrahamama. “Mi luna, kakuli lu shwile ku Kreste, lu apala Peu ya Abrahamama, mi luna ni kabelo ya sanda kuya ka sepisu.” Mwabona? Na si ka nga mubonahalelo wa Lingeloi. Na si kaba Lingeloi. Na ti lo ba Mutu. Na ti lo ba Peu ya Abrahamama, mi anga buhazo bwa lifu mwa Mubili wa Hae luli, ku to kutisana lipilu ku Mulimu, mi cwale u inzi kwani ali Muyemeli. Mawi, lukona ku Li hana cwani, mulikani?

175 Amuteeleze.

Kabakaleo mwa linto kamukana ku mu lukezi kuba ya swana sina bana ba habo yena, kuli akone kuba wa sishemo mi ki muprisita yomutuna ya sepahala mwa lika za Mulimu, kuli akutisane lipilu . . . za sibi sa sicaba.

176 Kuli Akone kuba Mukutisi wa lipilu! Mwabona, nekuna ni toyano mwahala Mulimu ni mutu. Mi hakuna mutu. . .

Neba lumile mangeloi, ba polofita. Na si ka nga sibaka sa mina, kakuli neba itapelezi ilibona. Na si ka nga sibaka.

¹⁷⁷ Mi, Na lumile mulao. Mulao neli mupokola yana lu beile mwa tolongo. No sa koni ku lu lukulula. Na lumile mulao.

Na lumile baplofita, Na lumile baba lukile, ni lika kaufela, nelisa koni kueza swalelo. Kono Yena ataha fafasi ku to ba alimuñwi wa luna. Oh, mawi!

¹⁷⁸ Ni lakaza kuli kambe luna ni nako yeñata cwale, Ni tabela ku mi isa kwa mulao wa kupiliswa; kono haluna, kono fa nako nyana fela. Siswaniso sesinde si ku Ruti ni Naomi. Haiba mu bona fani, hakuna kukutisana, kuli mane mubabaleli wa simu, mutu yana lukela kukamulela ba balatehile ni buino bwa kuwa, nana ni kuba muhabo mutu yana latehezwi ki lifa la hae. Lani kona libaka Boazi hana nani kuba . . . neli muhabo wa Naomi, kuli akone kunga Ruti. Mi cwale, nana ni kuba ya swanelo. Nana ni kuba ya kona kueza cwalo, kuli a liulule ba balatehile. Mi Boazi, fa munyako, afa bupaki patalaza, ka kulaha likatulo la hae, kuli na liuluzi Naomi ni lifa la hae kaufela. Mi nana ni kuba mutu wa mwa lubasi.

¹⁷⁹ Mi leo kona libaka kuli Kreste, Mulimu, nana ni kuba alimuñwi wa lubasi lwa luna. Mi Ataha fafasi mi nali Mutu. Mi A nyanda ka muliko. Mi A sehiwa, aboniwa kubuka, ni ku nyandiswa, ni ku kendiwa, ni kubizwa kuli “Baalezebubi,” mi—mi a somiwa, ni kunyandela mwatasa koto ya lifu. Mwabona? Nana ni kuba muhaesu mwa lubasi lwa luna. Nana ni kutamelezwa litaba ka buhata, kakuli ni mina mwa tamelezwangwa ka buhata. Nana ni kulwala matuku, kakuli mwa kula. Nana ni kulwala libi, kakuli neli libi za mina. Mi Na na ni kuba wa lubasi lwahesu. Nzila fela inosi ya Na ka lu liulula ka yona neli ka kuba muhaesu mwa lubasi. Ni mwa Na ti lo bela muhaesu wa lubasi, ki ka kunga sibupeho sa nama ya sibi ni kuba alimuñwi wa luna. Mi ku sani, A lifa tifo ni ku lu liulula kukutela mwa kutwano ni Ndate. Oh, ha ki Mupulusi ni yoo! Manzwi na sa koni ku li tatulula.

Kakuli mane ni yena unyandile ka kuipeya kwatasi, . . . mane ukona kutusa baba likiwa.

¹⁸⁰ *Kutusa* kotalusa ku “ikabela manyando ni maswabi.” Lani, kona libaka la Na ti lo bela *se*, kuli Akone kuba ya ikabela manyando ni maswabi ni mina baba na . . . ni *liziezi* za mina ni *zeswenya*, ni zelikani za mina za *mwahali* ni *kwande*, mi ni miliko ya mina iba yemituna hahulu hamukoni ku iyemela. Wa ziba mwa ku ikabelela manyando ni maswabi a mina. U inzi fani, inge a mi kupela kwateni. U ina fani, kuli ami late. Mi ni ha mu keluha, Hana ku mi yaya. U ka taha ami latelele ku to ngongota fa pilu ya mina. Hakuna mutu ya wile mwa tumelo ku babali mwahali mo ya ziba kwanda ya ziba kuli Mulimu ungongotile fa

pilu ya hae zazi ni zazi. Mi Ukana aeza cwalo haile fela u mutu wa nama fa lifasi mubu faa, kakuli U ku latile. Na mi liuluzi.

¹⁸¹ Baloki ba likile, bañoli basweli balika, mutu ulika kutatulula linzwi lani lakuli “lilato,” mi halikoni kufumanwa mwa manzwi a batu. Alimuñwi naize:

Oh, lilato la Mulimu, le li fumile mi le li kenile!
Le li sa konahali kupimiwa mi litiile!
Lika ina cwalo kamita,
Ki pina ya babakeni ni Mangeloi.

Haiba luna lukona kutaza liwate ka enge,
Mi mahalimu kambe ki pamili fa kuñola;
Simela kaufela fa lifasi ibe siñoliso,
Mi mutu kaufela abe muñoli kuya ka tuto;
Kuli añole lilati la Mulimu mwa lihalimu
Ne li ka kalisa liwate kuomelela;
Kamba nahaiba matapa kuli akone kukwanisa
kaufela,
Ni ha ne lika putululwa kuzwa lihalimu kuisa
kwa lihalimu leliñwi.

¹⁸² Hamuna ku utwisisa. Hakuna mukwa wa kuli lu utwisise kuli sitabelo sesituna sani, sa Na ezize, ha na tile mwa lifasi ku to lu kutisa ku Mulimu. Mi ki Ha kuta ni kubulela kuli, “Cwale, Hanina ku mi siya inge lindiala. Ni ka taha hape ni be ni mina, mane mwahali ku mina, kuisa kwa mafelelezo a lifasi.”

¹⁸³ Mi ki luna ba fa kacenu, lupila mwa nako ya maungulo, ni Jesu yaswana, lika ze swana, lisupo ze swana, limakazo ze swana, kupiliswa ko kuswana, Moya o swana o eza lika ze swana, Evangeli ye swana, Linzwi le li swana, liponahazo ze swana, mibonahalelo ye swana, lika kaufela. Si lu susueza kuli lusike lwa toboha kupiliswa ko kutuna kwa, kakuli lu lukela ku yo ikalabela, zazi leliñwi, ka se lueza ni Mwana Mulimu.

¹⁸⁴ U mwa lizoho la hao busihu boo, muezalibi, yawile mwa tumelo. Ki sikamañi se mu ka eza ka Yena? Mu li, “Kihande, Ni ka Li tubula.” Kono, muhupule, musike mwa eza cwalo. Hakuna mukwa usili, ni kamuta, haiba u muesa libi, kuli uzwe mwa muyaho mo mi ube ya swana. Haukoni kueza cwalo.

¹⁸⁵ Pilato, busihu bulibuñwi, na likile kueza cwalo. Na kupile mezi mi a tapisa mazoho a hae. Ali, “Hanina sa kueza ni Zona. Mane kuswana fela inge nali kuba ni Li bone fateni. Nali kuba ni utwe fateni Evangeli. Hakuna ze ni bata kueza ka Zona.” Kana na konile ku Li tapa kwa mazoho a hae? Na palezwi.

¹⁸⁶ Ka kufeleleza, mwa ziba sene si ezahalile ku Pilato? A latehelwa ki ngana ya hae. Mi ni kafoo kwa Switzerland, kone luli ñohola, inge lu kutaza Evangeli, cwale kuna ni litangu la kale le li bulezi, kuli, kuna ni lisa la mezi kwani, ko kutaha sicaba kuzwa kwa lifasi kaufela, ku to buha, mwaha ni mwaha, kwa mafelelezo a kukokotelwa. Pilato, na ilo ikenya mwa lifu anosi,

ka kuipulaya, a tulela mwa mezi ani mi a nwela. Mi mwaha ni mwaha, ka lona lizazi leliswana lani, mezi a mubala wa bundilu a shelaukanga mwa lisa lani, ku bonisa kuli Mulimu na a hanile mezi ani. Mezi hakoni kutapisa Mali a Jesu kuzwa kwa mazoho a mina ni noyo. Kuna ni fela nzila iliñwi ya kueza lika ka yona, ki ku Amuhela kuba swalelo ya mina kasibili ni ku kutisezwa ku Mulimu.

Halu lapeleni.

¹⁸⁷ Ndate yakwa Lihalimu, lu itumela ku Wena busihu bo kwa Linzwi. “Kakuli tumelo itaha ka kuutwa, ni kuutwa fela Linzwi.” Lu itumela ka Jesu. Mi halunze lubona lizazi lelituna le lupila ku lona le, kuli mane lisupo ni ze komokisa, mo lu tuhelela lika ze ku lu bolomoka. Mulimu, kwalula meeto a sicaba mwa tabernakele mo, busihu boo, kuli bakone kubona ni ku utwisisa kuli lu mwa lihola za mafelelezo. Nako ya cibilika. Ha lu na nako yeñata ya kuba fa, mi lu kaba ni kubona Jesu. Mi luka baliwa kuli lu bakwenuheli, kakuli hakuna buinyazo. Kakusasana cwana, ha No file pono yetuna, yemata yani, ya muuna yani yana taha kwanu, kuzwelela kafoo mwa naha ya kwabuse; ni ku mu bona, kusina kukakanya ni hanyinyani, a nanuha kuzwa mwa sipula sa mawili sani, a amuhela meeto a hae. Mahutu a hae atiya, inza taha cwalo mwa muyaho, inza lumbeka ni ku nyakalalela Mulimu. Ku bonahala kuli Mulimu u sa konoa kuzusa bana ba Abrahamama kwa macwe aa. Ku bona lipono, sina Jesu mwa na bulelezi kuli, “Hakuna se Ni kona kueza kufitela Ndate a Ni bonisa. Hakuna se ni kona kueza.”

¹⁸⁸ Muuna wa sibofu na Mu latelezi, mi ali, “U lu utwele butuku.”

¹⁸⁹ Mi ali, aswala meeto a bona ni kuli, “Kuya ka tumelo ya mina, kube cwalo ku wena.”

¹⁹⁰ Cwale, Mulena, lwa bona Jesu. Halu boni lika kaufela. lubona kuli lu sa isa baba kenile ba luna kwa mabita, ni kuhataka fa mabita a babañwi. Kono lu bona Jesu, ya na file sepiso. Lu Mu bona ali ni luna. Isiñi Jesu mwa libita, isiñi Jesu lilimo ze likiti zepeli kwa mulaho; kono Jesu ubusihu boo, ki yena yali ni luna. Lwa Mu bona ha iponahaza mwa mata a Hae kaufela, ni lisupo, ni ze komokisa.

¹⁹¹ Mulimu, lusike lwa keshebisa Kupiliswa kokutuna kwaa. Kono ha lu Li ingeni hande, ni ku Li amuhela, ni kuba ka likute, ni kupila ka Lona kufitela lizazi leo Jesu ataha ku to lungela kwa Hae. Lumeleza cwalo, Mulena. Lwa li kupa ka Libizo la Hae.

¹⁹² Mi halunze lu inamisize lito ho za luna, Ha ni zibi haiba kuna ni mutu mwa muyaho mo busihu cwana, mwatasa Kubateni kwa Moya o Kenile ni Bumulimu, ya ka bulela kuli, “Muzwale Branham, Na kolwa kuli Ni fosize. Na kolwa kuli Ni fosize. Mulimu u ni patulululezi libi zaka. Mi Na ziba kuli Ni fosize. Ni

ka nanula lizoho laka ku Yena ka sishemo, busihu boo. Mulimu, u ni utwele butuku. Ni fosize.” Kana muka eza cwalo?

¹⁹³ Halunze lu libelela fa nako nyana, haiba kuna ni mutu mwahali mo ya tabela, kuna ni kolobezo ye ka nga sibaka mwa nako nyana fela. Mi haiba u muezalibi, Ni ka baka. Mukona cwani ku hana lilato la Ya na shwile le li sa konwi kulikanyezwa? Mulimu ya kenile wa Lihalimu ato ezwa Mutu wa sibi; isiñi kakuli Na ezize sibi, kono Nana ni libi za mina, ni ku li isa kwani kwa Kalvari. Mi hamuna kuamuhela swalelo yani? Kikuli hamuna kueza cwalo busihu boo? Halunze lu ba ni litho ze inami cwalo, yomuñwi uli, “Ni hupule, Muzwale Branham. Ni nanulela mazoho aka ku Kreste, ni kubulela kuli, ‘U ni utwele butuku. Na, Ni li sifosi, mi Ni bata ku kutisezwa ku Mulimu.’” Kikuli mu ka nanula mazoho a mina?

Ku lukile, haiba mañi ni mañi ki Mukreste, konakuli, halu lapeleni.

¹⁹⁴ Ndate, lwa itumela ku Wena busihu boo, kuli mañi ni mañi yali mwahali mo ki Mukreste, kuli ba pakile ze swana ka kusiyala ba kuzize, kuli libi za bona li mwatasa Mali kaufela zona. Mi Ni itumezi hahulu ka seo. Ba fuyole, Mulena. Oh, Ni tabile hahulu kuli ba fumana ku kutasana lipilu kuya ka sitabelo sa Mali, ka ku utwa Linzwi. Kutapiswa ka mezi, ka Linzwi, La lu kenisa. A lu tisa mwa sibaka se situna hahulu, koo—koo muezalibi, ni lififi la hae le li nyembunyisa, si ezizwe busweu kufita litwa. Bitampatampa bye bi fubelu bya sibi bi tapisizwe, mi lu libupiwa zenca ku Kreste. Mo lu itumela ka sani, Wena, ka se.

Cwale sebelezo ya kolobezo ya kalisa cwanoñu. Ni utwisisa kuli kalibe yomunyinyani yo, busihu boo, uka kolobezwa kwanu, ka Libizo la Mulena hae.

¹⁹⁵ O Ndate yakwa Lihalimu, lu lapela kuli U ka fuyila kalibe yomunyinyani yo. Mane munahano waka u kutela kwa mulaho fa mazazi a likani fela, hane ni taha mwa mukwakwa wa Henryville ni kubona musizana yomunde ya lateha yani fa mukwakwa wani. Mi busihu boo, ki me, seli kalibe. U Ku amuehezi kuba Mupulusi wa hae sakata. Bupilo bubile tata ku mwana yo, Mulena, O Mulimu, kono Lihalimu ki la hae luli. Mi lwa itumela ku Wena ka seo. Lwa lapela, Mulimu, kuli U ka fuyola kalibe yomunyinyani yo cwale. Mi hanza taha kwa ku kolobezwa ka mezi, a Ku mutaze ka Moya o Kenile wa Mulimu. Lumeleza cwalo, Mulena. Mi moyo wa hae u be o tabile hahulu, kukena mwa Lihalimu! Lumeleze cwalo kwa kanya ya Hao. Lwa li kupa ka Libizo la Jesu. Amen.

[Hakuna manzwi fa tepu—Mu.]

¹⁹⁶ Ni bata kubala kuzwa mwa Likezo, kauhanyo ya 2; Pitrosi wa bulela, ka Lizazi la Pentekota, kolobezo yapili yekile ya ezwa mwa Keleke ya Bakreste. Pitrosi, u omanyana Bafarisi ni batu ba libofu, ka ku sa lemuha Mwana Mulimu; kubulela ka mo Mulimu na Mu zuselize, ni kupaka misebezi ya Hae, mwa lisupo

zetuna ni limakazo. Muteeleze ku se, sina ha na bulela. Na sweli kutunafaza Jesu.

¹⁹⁷ Moya wa Bukreste kaufela utunafazanga Jesu, isiñi fela ka milomo ya hao, kono ka bupilo bwa hao. Milomo ya hao ikona kubulela nto isili, bupilo bwa hao bu bulela nto isili. Haiba u eza cwalo, wa ziba kuli seo ki sikamañi? Ki buipi. Mi Ni kona kutabela kuya kwa Lihalimu sina ya sa zibi za bulapeli kufita kuba muipi. Ne ni ka keta zaka hande, Na lumela, mwa Lihalimu, kakuba mu—mu mutu ya sa zibi za bulapeli, kufita kuba muipi. Na paka luli. . . Haiba u paka za Jesu ni kubulela kuli “Ki Mupulusi,” u pile ona cwalo, kakuli sicaba si ka libelela ze cwalo ku wena. Yeo ki niti. U pile sina Mukreste mwa lukela kupilela. Lu fitile ku zona kakusasana cwana.

¹⁹⁸ Cwale, Mulena ha lata, kamuso busihu, kamba. . . Labulalu busihu, lunga kauhanyo ya 3 ye, yeli kauhanyo yetabisa hahulu. Mi cwale, mulike kutaha la Bulalu busihu. Ki ba bakai baba sweli kuikola Buka ye, ya tuto ya Sunda ye? [Kopano ili, “Amen.”—Mu.] Oh, ni itumezi hahulu. Zeo ki zende.

¹⁹⁹ Cwale, Ni bata kubala cwale mwa Likezo, kauhanyo ya 2, ku kalela fa timana ya 32.

*Ki yena Jesu yo ya zusize Mulimu, ka yena luna . . .
luna kaufela lu lipaki za taba yeo. (Neba li zibile.)*

*A si no kambamisezwa kwa lizoho la Mulimu la bulyo,
u ngile ku Ndate Moya o Kenile ono sepisizwe, mi U u
abile, ki sona se mu bona ni se mu utwa cwale.*

²⁰⁰ Cwale mu mutwe ha bulela ka za Davida, alimuñwi wa mangeloi.

*Kakuli Davida ha si ka kambambela kwa lihalimu:
kono ki yena yaize, MULENA u ize ku Mulena ka, U ni
ine ku laka la bulyo,*

*Ku isa ha Ni ka eza lila za hao sipula sa fa hatela
mahutu a hao.*

Davida na si ka kambama; nali mwatasa mali a suluhile a lipoho, ni lipuli, ni lingu. Kono cwale na kona ku hulisa; nali mwatasa Mali a Mulena Jesu. Kakuli ba ikalabela fela kwa Mali ani ha Na taha ka mata. Fani Mali a Krete ha na taha ka mata, bani kaufela bene ba shwezi mwa bunde, ne ba zuhile, yeo ki niti, ni ku kambamela mwa Kanya.

²⁰¹ Cwale muteeleze.

*Kamukwa o cwalo ba ndu ni ndu ya Isilaele ba zibe . . .
(Muteeleze ku se). . . kuli Mulimu u ezize yena Jesu ya
swana yo, ye mu . . . kokotezi, kuba Mulena ni Krete.*

Ku cwani ka zeo? Kana Ki Mutu wa bulalu mwa silalu, kamba kana ki Yena mutalelela wa silalu kaufela? Ki yena mutalelela wa toho ya Bumulimu, ka mubili.

²⁰² Hakuna sika sa kuli Balimu babalalu: Mulimu Ndate, Mulimu Mwana, ni Mulimu Moya o Kenile. Zeo mane haliyo ni mwa Mañolo, kai ni kai. Hakuna ko kuna ni ze cwalo. Hakuna mane ko lukile lwa laelwa ku kolobeza, “Ka libizo la Ndate, ni libizo la Mwana, ni libizo la Moya o Kenile,” hakuna nihaiba sibaka seo mwa Mañolo. Ki tuto fela ya Bakatolika, mi ha ki ya ba keleke ya Baipanguli. Ni kupa kuli mutu ufi kaufela ani boni Liñolo ko mutu kaufela akile a kolobezwa fateni ka nzila isili kwanda Libizo la Mulena Jesu Krete. Utahe, u to ni bonisa, mi Ni ka beya sisupo mwa mikokoto waka sa kuli, “Ni muipi, mi ni mupolofita wa buhata, muluti wa buhata,” ni ku zamaya mwa mikwakwa. Hakuna nto ye cwalo. Hakuna mutu yakile a kolobezwa ka nzila yeo. Ki tuto fela ya Bakatolika, mi ha ki tuto ya Baipanguli.

²⁰³ “Mateu 28:19,” mu li, “Jesu naize, ‘Muye cwale mwa lifasi kamukana, mulute macaba kaufela, mu ba kolobeze ka Libizo la Ndate, Mwana, ni Moya o Kenile.’” Yeo ki niti.

Kono isiñi, “Ka libizo la Ndate, libizo la Mwana, libizo la Moya o Kenile.” *Libizo* la Ndate, ki *Libizo* (isiñi mabizo), la Ndate. . .

Ndate ha ki libizo. Ki ba bakai baba ziba cwalo? Ki bo ndate ba bakai babali mo? Ha mu nanule mazoho a mina. Ki bana ba bakai babali mo? Ha mu manule mazoho a mina. Ki batu ba bakai babali mo? Ha mu nanule mazoho a mina. Ku lukile. Cwale, ki mina bo mañi libizo? Ha ki ndate, mwana, kamba mutu.

²⁰⁴ Musali yomuñwi naize ku na nako yeñwi, ya lumela kuli bulalu bu kauhani, ki hali, “Muzwale Branham, kono Moya o Kenile kwateni ki libizo.”

²⁰⁵ Se nili, “Moya o Kenile ha ki libizo. Moya o Kenile kona seo Uli sona. Ki ona Moya o Kenile.” Ha ki libizo; sani kona seo Uli sona. Na ni mutu, kono libizo la ka ha ki mutu. Libizo la ka kina William Branham. Kacwalo, haiba Na ize, “Mu ye cwale, mulute macaba kaufela, mu ba kolobeze ka *Libizo* la Ndate, ni la Mwana, ni la Moya o Kenile.”

²⁰⁶ Kona kuli Pitrosi, mazazi a lishumi kasamulaho, ali, “Mubake!” Cwale, fa, muteeleze ku se.

Mi ba si no utwa cwalo, ba tabeha kwa lipilu, mi bali ku Pitrosi ni . . . ba apositola babañwi, Bana bahesu ni mizwale, lu ka eza cwani?

Mi Pitrosi ali ku bona, Mubake, mañi ni mañi wa ku mina, mi mu kolobezwe ka libizo la Mulena Jesu Krete kwa swalelo ya libi za mina, mi muka amuhela mpo ya Moya o Kenile.

²⁰⁷ Mi cwale Pitrosi na ezize sa na mu bulelezi Jesu kuli asike a eza? Na si ka lyangana. Ki luna baba lyangani.

208 Fa Likezo 2:38, Majuda ne ba kolobelizwe ka Libizo la Mulena Jesu Kreste, ka kucimbekiwa.

Mwa Likezo, kauhanyho ya 8, lu fumana kuli Fipili yanailo kutaza kwa Masamaria, ni ku ba kolobeza ka Libizo la Mulena Jesu Kreste, bona Masamaria.

Mwa Likezo 10:49, Pitrosi na laezi Bamacaba ku kolobezwa ka Libizo la Mulena Jesu Kreste.

209 Paulusi, Likezo 10:5, “Na fitile mwa libaka ze lumbile za Efese, u fumana batu.” Nebali balutiwa ba Baptist; nebali, cwalo mañi ni mañi, ba Baptist. Ne ba cincizwe mwatasa mukutazi wa Baptist wa libizo la—la, mwabona, Apollos. Mi nali mukutazi wa Baptist, “Mi ne ba paka cwalo ka Bibebe kuli Jesu neli yena Kreste.”

Paulusi naize, “Kikuli mu amuhezi Moya o Kenile kuzwa ha mu lumela?”

210 Se bali, “Ha lu zibi kamba kuna ni Moya o Kenile.”

211 Ali, “Konakuli ne mu kolobelizwe cwani he?”

212 Mi bali, “Lu kolobelizwe ki muuna yaswana ya na kolobelize Jesu, mwa lyabwa la mezi kwani. Yeo ki nto yende luli.”

213 Paulusi naize, “Zani halina kubeleka cwale. Muna ni ku kolobezwa, sinca hape.” Mi Paulusi a ba laela kuli ba kolobezwe, sinca hape, ka Libizo la Mulena Jesu Kreste. Aba beya mazoho, mi Moya o Kenile wa taha ku bona. Ki swanelo. Eeni, sha.

Ku kaba Liseli mwa nako ya manzibwana,
Nzila ya Kanya mu ka ifumana luli;
Mwa nzila ya mezi, ki lona Liseli la kacenu,
Mu pumbekwe mwa Libizo lelinde la Jesu.
Banana ni babahulu, mubakele libi zamina,
Moya o Kenile uka kena ku mina luli;
Liseli la manzibwana litile,
Ki niti kuli Mulimu ni Kreste ki Alimuñwi.

214 Seo kona se i bulezi Bibebe. Yeo ki niti. Ki yona hola, seli nako ya kuli lu bake.

215 Kubulela, muhuwe haiba mu itukisize, mukene mwa lisa. Mi lu ka. . . [Muzwale uli, “Lu itukisize.”—Mu.] Mu itukisize? Ku lukile, kuli muhohe masila.

216 Cwale, Mulena ami fuyole cwale, muzwale hasweli kutundanisa za kolobezo. Kana mina kaufela mwabona kwanu? [Muzwale Orman Neville ukolobeza balumeli—Mu.]



MAHEBERU, KAUHANYO YABUBELI 2 LOZ57-0825E

(Hebrews, Chapter Two 2)

MUKOLOKO WAZA BUKA YA MAHEBERU

Liñusa le ka Muzwale William Marrion Branham ne li kutalizwe lwa pili mwa Sikuwa la Sunda manzibwana, Muyana 25, 1957, ili fa Branham Tabernacle, mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi i hatizwe ni kuhasanyiwa ki ba Voice Of God Recordings.

LOZI

©2019 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org